




15. Մկնիկի ցուցիչով ընտրեք *A_2* ֆայլադարանն ու *Delete* ստեղծով այն ջնջեք: Ջնջելու հրամանն այստեղ ևս հաստատեք *Yes* կոճակով:
16. Պատուհանի ղեկավարման  կոճակով փակեք *Computer* պատուհանը:

§2.3. ԶԱՄՔՅՈՒՂ (*Recycle Bin*) ԹՂԹԱՊԱՆԱԿ

Քանի որ համակարգչի արտաքին հիշող սարքերի վրա պահպանված ինֆորմացիան ջնջելիս հնարավոր է սխալմամբ արժեքավոր տվյալներ կորցնել, ապա *Windows* օպերացիոն համակարգում ջնջելու գործողության համար լրացուցիչ միջոցներ են նախատեսվել. օբյեկտը ջնջելուց առաջ համակարգն առաջարկում է այն ջնջել՝ պահպանելով *Recycle Bin* (*Զամբյուղ*) համակարգային ֆայլադարանում:

Զամբյուղը (*Recycle Bin*) կոշտ սկավառակի վրա հատուկ ձևով կազմակերպված հիշողության տիրույթ է, որը նախատեսված է ջնջված օբյեկտների հետագա պահպանման համար:

Ջնջելուց հետո օբյեկտը *Զամբյուղում* պահպանելու առաջարկին կարելի է պատասխանել *Yes* կամ *No* կոճակներից մեկով (նկ. 2.7.): *Yes*-ի դեպքում ջնջված օբյեկտն ուղարկվում է *Recycle Bin*, *No*-ի դեպքում օբյեկտը չի ջնջվում:



Նկ. 2.7. Օբյեկտը ջնջելուց հետո այն *Զամբյուղում* պահպանելու վերաբերյալ բերված երկխոսության պատուհան

Այսպիսով, պատահմամբ ջնջված և *Զամբյուղում* պահպանված օբյեկտներն անհրաժեշտության դեպքում կարելի է նորից վերականգնել, իսկ մնացածները, ջնջման ենթակաները՝ վերջնականապես ջնջել նաև *Recycle Bin*-ից:




Ջամբյուղը բացելու համար անհրաժեշտ է.

- ⇒ մկնիկի ցուցիչը տեղադրել *Recycle Bin* տարբերանիշի վրա,
- ⇒ սեղմել ձախ սեղմակը:

Ջամբյուղում պահպանված օբյեկտը վերականգնելու համար անհրաժեշտ է.

- ⇒ բացել *Recycle Bin* պատուհանը,
- ⇒ ընտրել վերականգնման ենթակա օբյեկտը,
- ⇒ սեղմել պատուհանի տիրույթի *Restore this item* կոճակը (սկ. 2.8.):



Նկ. 2.8. *Recycle Bin* պատուհան

Ջամբյուղում առկա բոլոր օբյեկտները վերականգնելու համար անհրաժեշտ է.

- ⇒ բացել *Recycle Bin* պատուհանը,
- ⇒ ընտրել պատուհանի տիրույթում գտնվող *Restore All Items* կոճակը:

Ջամբյուղից որևէ օբյեկտ ջնջելու համար անհրաժեշտ է.

- ⇒ բացել *Recycle Bin* պատուհանը,
- ⇒ ընտրել ջնջման ենթակա օբյեկտը,
- ⇒ սեղմել ստեղծագծարի *Delete* ստեղծագծարը:

Ջամբյուղի բոլոր օբյեկտները ջնջելու համար անհրաժեշտ է.

- ⇒ բացել *Recycle Bin* պատուհանը,
- ⇒ սեղմել պատուհանի *Empty the Recycle Bin* կոճակը (սկ. 2.8.):




Օգտակար է իմանալ

- Զննված և Զամբյուղում պահպանված օբյեկտը համակարգչի հիշողության մեջ նույնքան տեղ է զբաղեցնում, որքան մինչ այն ջնջելը:
- Համատեղ կիրառվող ստեղծեր.

Ստեղծերը	Նշանակությունը
Ctrl+c	Օբյեկտի պատճենում փոխանակման բուժերում
Ctrl+x	Օբյեկտը ջնջել՝ <i>Recycle Bin</i> -ում պահպանելով
Ctrl+v	Այլ ֆայլադարանում փոխանակման բուժերի պարունակության պատճեի տեղադրում
Ctrl+n	Նոր փաստաթղթի ստեղծում
Ctrl+o	Ֆայլի բացում
Ctrl+p	Փաստաթղթի տպագրում

- Զամբյուղից օբյեկտը կարելի է ջնջել նաև՝ օբյեկտի վրա սեղմելով մկնիկի աջ սեղմակն ու բացված ենթատեքստային մենյուից ընտրելով *Delete* հրամանը (նկ. 2.9.):



Նկ. 2.9. Ենթատեքստային մենյու



Հարցեր և առաջադրանքներ

1. Ինչի համար է Զամբյուղը:
2. Ինչպե՞ս կարելի է վերականգնել ջնջված և Զամբյուղում պահպանված օբյեկտը:
3. Ինչպե՞ս կարելի է վերականգնել Զամբյուղի բոլոր օբյեկտները:
4. Ինչպե՞ս ջնջել Զամբյուղի բոլոր օբյեկտները:



Լաբորատոր աշխատանք 7

Օբյեկտների ջնջում և վերականգնում

1. *Start* գլխավոր մենյուից հաջորդաբար ընտրելով *All Programs, MS Office, MS Office Word 2007* գրառումները՝ *Word* տեքստային խմբագրիչի միջավայր մտնել:
2. Մկնիկի ցուցիչը տեղադրել *KDWin*-ի տարբերանշանի վրա և հաջորդաբար սեղմելով աջ սեղմակը՝ ընտրել *Հայաստանի Հանրապետության դրոշմ*  (հայկական այբուբենը):
3. Մկնիկի ցուցիչը տեղադրել *Home* ներդիրի *Font* խմբի տառատեսակի ցուցակը բացող ▼ նշանի վրա և սեղմելով ձախ սեղմակը՝ բացված ցուցակից ընտրել *Arial Armenian* տառատեսակը:
4. Մկնիկի ցուցիչը տեղադրել *Home* ներդիրի *Font* խմբի տառաչափի ցուցակը բացող ▼ նշանի վրա և սեղմելով ձախ սեղմակը՝ ընտրել 20 չափը:
5. Ներմուծել ձեր անունն ու ազգանունը:
6. Ստեղծված փաստաթուղթը պահպանել *My Documents*-ի տվյալ դասարանի համար հատկացված թղթապանակում՝ *Lab_7_** անունով, որտեղ *-ի փոխարեն ներմուծել ձեր դասամատյանի համարը:
7. Պատուհանի ղեկավարման  կոճակով փակել *Word* տեքստային խմբագրիչի պատուհանը:
8. Մկնիկի ցուցիչը տեղադրել *Start* գլխավոր մենյուի պատուհանի աջ տիրույթում առկա *Computer* գրառման վրա և ձախ սեղմակով այն ընտրել:
9. Մկնիկի ցուցիչով ընտրել ձեր ստեղծած ֆայլն ու սեղմել *Delete* ստեղծը:
10. *Yes* կոճակով հաստատել ձեր համաձայնությունը՝ տվյալ ֆայլը ջնջելու և այն *Recycle Bin*-ում պահպանելու համար տրված հարցին:
11. Մկնիկի ցուցիչը տեղադրել *Recycle Bin* տարբերանիշի վրա և ձախ սեղմակի կրկնակի սեղմումով այն բացել:
12. Բացված պատուհանում ընտրել ձեր ջնջած ֆայլն ու սեղմել մկնիկի աջ սեղմակը:
13. Բացված մենյուի *Restore* հրամանով վերականգնել ջնջված ֆայլը:



14. Կրկին ջնջեք վերականգնված ֆայլն ու այս անգամ այն վերականգնեք *Recycle Bin* պատուհանի *Restore this item* կոճակով:
15. Զնջեք վերականգնված ֆայլն ու պատուհանի ղեկավարման  կոճակով փակեք *Computer* պատուհանը: